

Herr Vörmund, joa, det is all goot,
Ich hef ook wol to't Wannern Moth,
Doch glöw' ick, dät ick Allens kann,
Det Schniedern sülwst to fangen an.

Denn unse Schult vör woahr unn wiss
Met Rock unn Wams tofreeden is,
De kortens ick to'n Sönndoagsdanz
Gemoakt vör sinen grooten Hans. —

Wo schmeckt de Botterstull doch goot!
Nu soll ick äten fremmet Brot!
Unn gäwen mi de Lüde wat?
So völ, bes dät ick vullends satt?

Mi kennt doa buten Keener nich,
Doa weer'n se mi wol mörderlich
Behanneln! Ach! det werd ne Noth!
Am Enne schlöan se goar mi dodt!